



“HORIZONTAL FACILITY” ZA ZAPADNI BALKAN I TURSKU

Kvalitetno obrazovanje u multietničkim društvima

Vijeće Evrope pomaže nadležnim vlastima u Bosni i Hercegovini da poboljšaju kvalitet obrazovanja pružajući im podršku u prevazilaženju etničke segregacije u formalnom obrazovanju primjenom antidiskriminatornih pristupa zasnovanih na standardima i praksama Vijeća Evrope. Ova akcija se sprovodi u bliskoj saradnji i partnerstvu sa Ministarstvom civilnih poslova i svim relevantnim ministarstvima za obrazovanje u entitetima i kantonima. Akcija primjenjuje integrisan pristup politike i građanskih inicijativa, a obuhvatiće i širu grupu partnera i zainteresiranih strana, uključujući učenike, roditelje, nastavnike, državne službenike i političare, odabrane pilot škole, lokalne zajednice, medije i nevladine organizacije (NVO).

Akciju zajednički finansiraju Evropska unija i Vijeće Evrope kao dio programa Evropske unije i Vijeća Evrope „*Horizontal Facility*“ za Zapadni Balkan i Tursku, a sprovodi ga Sektor za obrazovanje Vijeća Evrope u saradnji sa Kancelarijom Vijeća Evrope u Sarajevu. Predviđeni rok za realizaciju ove akcije je 17 mjeseci i očekuje se da će biti završena do 23. maja 2019. godine sa ukupnim budžetom od 270.000 eura.

Očekivani rezultati

Cjelokupan cilj jeste poboljšanje kvaliteta obrazovanja u Bosni i Hercegovini kroz suzbijanje etničke segregacije u formalnom obrazovnom sistemu putem primjene antidiskriminatornih pristupa u skladu sa standardima i praksama Vijeća Evrope.

Prvi specifičan cilj jeste podrška provođenju procesa reforme obrazovanja u Bosni i Hercegovini davanjem preporuka na osnovu studije procjene i rezultata konsultacija sa fokus grupama. Ovaj specifičan cilj biće ostvaren postizanjem sljedećih rezultata:

- Studija procjene o pitanjima etničke segregacije koja utiču na kvalitet obrazovanja je sprovedena i predložene su preporuke;
- Napravljena je mapa puta za politička djelovanja bazirana na rezultatima studije procjene, zaključcima fokus grupa i postojećim preporukama u Bosni i Hercegovini.

Drugi specifičan cilj jeste povećanje svijesti direktora škola, nastavnika, učenika, roditelja, državnih službenika, političara i opšte javnosti o prednostima multietničke i demokratske škole u obezbjeđenju kvalitetnog obrazovanja. Ovaj konkretan cilj biće ostvaren postizanjem sljedećih rezultata:

- Prakse koje promovišu multietničke i demokratske škole su prepoznate i proširene.

Osnovne informacije

Generalni sekretar Vijeća Evrope Torbjorn Jagland i komesar Evropske unije za susjedsku politiku i pregovore o proširenju Johannes Han, objavili su 11. aprila 2016. godine novi model saradnje ove dvije organizacije sa ciljem pružanja podrške Jugoistočnoj Evropi i Turskoj u njihovim nastojanjima da se usklade sa evropskim standardima. Naziv inicijative je Zajednički program Evropske unije i Vijeća Evrope „*Horizontal Facility*“ za Zapadni Balkan i Tursku. To je trogodišnji program (maj 2016. – maj 2019.) koji se fokusira na tri teme: sprovođenje pravde, borba protiv privrednog kriminala, kao i sprječavanje diskriminacije i zaštita prava osjetljivih grupa. Budžet iznosi 25 miliona eura, od čega je 20 miliona eura obezbijedila Evropska unija, a 5 miliona eura Vijeće Evrope. Kroz program „*Horizontal facility*“, Evropska unija i Vijeće Evrope će pružiti podršku zemljama korisnicima u Jugoistočnoj Evropi i Turskoj da se usklade sa standardima Vijeća Evrope i tekovinama Evropske unije primjenom komplementarnog dvosmjernog pristupa tehničke saradnje i obezbjeđivanja stručnosti. „*Horizontal facility*“ se oslanja na jedinstvene metode rada Vijeća Evrope, koje podrazumijevaju ciljane aktivnosti tehničke saradnje osmišljene na osnovu zaključaka i preporuka nadzornih tijela Vijeća Evrope kojima se ukazuje na oblasti u kojima je potrebno unaprijediti zakonodavstvo i praksu zemalja korisnica kako bi se uskladili sa standardima Organizacije.

Kancelarija Vijeća Evrope u Sarajevu
Zmaja od Bosne 11, zgrada Raiffeisen banke
71000 Sarajevo, Bosna i Hercegovina
Tel: +387 33 264 360



<http://horizontal-facility-eu.coe.int>
horizontal.facility@coe.int
jp.horizontal.facility
[@CoE_EU_HF](https://twitter.com/CoE_EU_HF)

Vijeće Evrope je vodeća organizacija za ljudska prava. Sastoji se od 47 članica od kojih su 28 članice Evropske unije. Sve države članice Vijeća Evrope potpisale su Evropsku konvenciju o ljudskim pravima, sporazum čiji je cilj zaštita ljudskih prava, demokratije i vladavine prava. Evropski sud za ljudska prava nadgleda sprovođenje Konvencije u državama članicama.

Evropska unija je jedinstveno ekonomsko i političko partnerstvo 28 demokratskih evropskih država. Njeni ciljevi su da za svojih 500 miliona građana obezbijedi mir, prosperitet i slobodu u pravednijem i sigurnijem svijetu. Kako bi se ostvarili ovi ciljevi, države članice Evropske unije ustanovile su tijela koja rukovode Evropskom unijom i usvajaju zakonsku regulativu. Glavna tijela su: Evropski parlament (koji zastupa narode Evrope), Savjet Evropske unije (koji predstavlja vlade država članica), i Evropska komisija (koja zastupa zajedničke interese Evropske unije).

www.coe.int <http://europa.eu>